

CONVOCATORIA PA LA SELECCIÓN DE PROPUESTES D'ESPECTÁCULOS FAMILIARES Y ESCOLARES DE MÚSICA Y D'ARTES ESCÉNIQUES PA LA SO PROGRAMACIÓN EN LLABORAL CIUDÁ DE LA CULTURA

EL PROYECTU

La Sociedá Pública de Xestión y Promoción Turística y Cultural del Principáu d'Asturies (d'equí p'arriba la SPXP) tien encomendada la xestión de dellos equipamientos culturales, turísticos y deportivos d'Asturies, ente ellos Llaboral Ciudá de la Cultura en Xixón.

Dende Llaboral ufiértase una programación recurrente y variada pa públicu de toa mena (adulto, familiar, escolar, etc), tanto d'espectáculos musicales como d'artes escéniques, ente otres disciplines.

Tanto les artes escéniques como la música son un productu cultural y una manifestación artística que contribuye al desenvolvimientu económicu, la creación d'empléu y el caltenimientu de la diversidá cultural y, d'esta manera, ye una de les manifestaciones culturales propuestas pa la programación familiar y escolar de Llaboral Ciudá de la Cultura, colo que se pretende, amás, xenerar una ufierta artística diversa y de calidá y fomentar el consumu cultural ente los distintos públicos nel so entornu más próximu y dar a conocer la diversidá de xéneros y formatos artísticos.

En base a lo espuesto, la SPXP promueve una convocatoria pa escoyer espectáculos de les distintes disciplines d'artes escéniques (teatru, danza, circu, maxa y teatru d'oxetos y títeres) amás de proyectos musicales interpretaos por bandes y/o solistes musicales. Dende la selección va conformase un rexistru d'espectáculos diversu y representativu del mayor númeru posible de disciplines de les artes escéniques y la música, que va valir pa realizar la programación familiar y escolar de Llaboral Ciudá de la Cultura.

1.- OXETU DE LA CONVOCATORIA

L'oxetu d'esta convocatoria ye la selección de proyectos artísticos de música y artes escéniques pa la posterior programación d'espectáculos familiares y escolares en Llaboral Ciudá de la Cultura dentro del programa VAMOS! 2022-2023.

Nesta convocatoria establécense les bases y requisitos que van rexila, igual que'l procedimientu pa la selección de los espectáculos que van integrar esta llista con respetu a los principios de publicidá, llibre concurrencia y oxetividá.

2.- PUBLICACIÓN Y PUBLICIDÁ

Esta convocatoria y bases, amás de la resolución del procedimientu, van publicase na páxina web de Llaboral Ciudá de la Cultura: www.laboralciudaddelacultura.com, y na web d'Asturies, *Cultura en Rede*: www.asturiesculturaenrede.es, ensin perxuiciu de los medios complementarios de difusión que la SPXP decida usar.

3.- SOLICITANTES

Van poder participar nesta convocatoria les persones físicas o xurídiques qu'axunten estos requisitos:

- Desenvolver la so actividá principal n'ámbitu de la investigación o programación d'actividaes culturales, didáctiques, educatives y artístiques.
- Tar al corriente de les sos obligaciones tributaries col Estáu y cola Comunidá Autónoma del Principáu d'Asturies, lo mesmo que de les obligaciones cola Seguridá Social.
- Los interesaos habrán tar daos d'alta na Seguridá Social y n'epígrafe correspondiente del Impuestu d'Actividaes Económiques y acreitar la solvencia técnica riquida primero d'entamar les actividaes en casu de que'l proyectu salga escoyíu.

Esta documentación habrá presentase cuando se notifique que'l proyectu foi escoyíu, y primero de qu'empiecen les actividaes.

4.- CARACTERÍSTIQUES DE LOS PROYECTOS QUE PUEN PRESENTASE A ESTA CONVOCATORIA

Les característiques qu'habrán tener les propuestas son estes:

XÉNERU: Tienen acoyida nesta convocatoria espectáculos d'estes manifestaciones artístiques: música, teatru, danza, circu, maxa, teatru d'oxetos y títeres y de formatos, estilos y públicu oxetivu variaos.

PÚBLICU OXETIVU: familiar, mozo, infantil y escolar.

LLINGUA: acéptense proyectos d'actividá en castellanu, asturianu y gallego-asturianu, inglés y francés.

SEDES: les actividaes van desenvolvese nos espacios de Llaboral Ciudá de la Cultura xestionaos pola SPXP, principalmente'l Teatru y el Paraninfu.

Tolos espacios propuestos han cumplir la llexislación vixente en materia de seguridad, la referida a prevención de riesgos llaborales y les midies decretaes y vixentes en materia de seguridad y prevención del COVID-19 pa la celebración d'espectáculos.

NÚMBERU DE PROYECTOS POR PROFESIONAL O ENTIDÁ: el númberu final de proyectos pa contratar va venir determináu pol presupuestu máximu disponible. El máximu de propuestas pa presentar a esta convocatoria por profesional o entidá ye de seis proyectos.

MEDIOS TÉCNICOS Y HUMANOS: los profesionales o entidaes van aportar los medios técnicos (de los que nun disponga la sede) y humanos (músicos, actores, actrices, técnicos...) que seyan necesarios pa la representación/conciertu.

TEMPORALIDÁ Y FECHES: les actividaes van programase ente'l 1 d'ochobre del 2022 y el 30 de xunu del 2023.

PRESUPUESTU MÁXIMU POR PROYECTU: establezse un preciu máximu por actividá pa presentase a esta convocatoria de:

- Función familiar: 2.500 € + IVA
- Función familiar + función escolar en día inmediatamente posterior a la función familiar: 4.000 € + IVA

DERECHOS D'EXHIBICIÓN: El profesional o entidá ha tener los derechos de propiedá intelectual pa exhibir o mostrar el proyectu que proponga. La SPXP va facese cargu de los gastos de derechos d'autor que se xeneren pola exhibición de los espectáculos que resulten escoyíos, d'alcuertu coles condiciones establecies pola SGAE (Sociedá Xeneral d'Autores y Editores) o pola entidá xestora de los derechos mentaos.

5.- PRESENTACIÓN DE SOLICITÚES.

Les solicitúes han presentase al traviés de la web <http://panel.asturiesculturaenrede.es>

En presentándola, el/la solicitante va recibir un corréu electrónicu col acuse de recibu.

Documentación qu'hai que presentar:

- 1.º Impresu de solicitú, dossier del espectáculu y presupuestu de conformidá col modelu establecíu n'ANEXU I.
- 2.º Declaración responsable d'aluerdu col modelu establecíu n'ANEXU II.
- 3.º Currículum del profesional o la entidá que presenta'l proyectu.
- 4.º Descripción pormenorizada de les necesidaes técniques necesaries (non apurríes pola entidá que concurre a la convocatoria), si son necesaries.
- 5.º Fotografía/es ilustrativa/es del proyectu.
- 6.º Enllaz a videu.

La hora y fecha tope de presentación de les solicitúes van ser les **14:00 hores del día 26 de mayu del 2022.**

6.- VALORACIÓN DE LOS PROYECTOS, CATALOGACIÓN Y SELECCIÓN

La valoración de los proyectos o propuestas presentaes va realizase d'aluerdu colos criterios afitaos nestes bases, dende l'área de Xestión d'Espacios de Llaboral Ciudá de la Cultura, integrada por:

- Lourdes Prendes García-Barrosa, Xefa del Área de Xestión d'Espacios de Llaboral Ciudá de la Cultura.
- Verónica Ruiz Gutiérrez, Técnica del Área de Xestión d'Espacios de Llaboral Ciudá de la Cultura.

Va poder solicitase de los/les interesaos/es tantes aclaraciones, información o documentación complementario como faiga falta pa la valoración correcta de los proyectos.

La resolución va comunicase a los interesaos/es enantes del 10 de xunu del 2022 y va publicase na web de Llaboral: www.laboralciudadde lacultura.com amás de na web d'Asturies, *Cultura en Rede*: www.asturiesculturaenrede.es

Criterios de valoración. Van calificase les propuestas presentaes como “Aptes” y “Non aptes”, valorando la so adecuación a estos criterios:

-Interés cultural y/o artísticu del proyectu. Van valorase de manera especial la calidá didáctica y el calter novedosu del proyectu, y va considerase'l grau d'ellaboración, detalle y concreción de la propuesta.

-Va tenese consideración especial pa con aquelles propuestas que fomenten la igualdá y diversidá, qu'usen un llinguaxe inclusivu, que promuevan una visibilidá mayor de la muyer y/o que propongan discursos dende la identidá de xéneru.

-La formación, esperiencia y trayectoria de los profesionales y entidaes implicaes nel desenvolvimientu de los proyectos.

-Viabilidá técnica, económica y rigor presupuestariu. L'adecuación del preciu al númeru de profesionales involucraos y los medios técnicos y materiales que s'aporten.

-La minuciosidá de los protocolos y plan de continxencia pa la prevención del COVID-19

En valorándose tolos proyectos, va publicase un informe nel que s'indique qué espectáculos resultaron "Aptos" y "Non aptos". Colos proyectos consideraos aptos la SPXP va elaborar un catálogu que va valir de base pa seleccionar los espectáculos que van incorporase na programación de Llaboral Ciudá de la Cultura pal periodu que va dende'l 1 d'ochobre del 2022 hasta'l 30 de xunu del 2023, y va contactase colos profesionales de los proyectos escoyíos pa marcar les feches de les actividaes.

7.- DOCUMENTACIÓN PA PRESENTAR POLOS PROYECTOS ESCOYÍOS.

En confirmándose la selecció y axudicación del proyectu, los seleccionaos habrán presentar, nel plazu que s'indique, esta documentación:

- a) Documentos qu'acreíten la personalidá del solicitante. Si la persona solicitante fore persona xurídica ha acreitase presentando la escritura de constitución o modificación, nel so casu, inscrita nel Rexistru Mercantil cuando esti requisitu seya esixible según la llexislación mercantil aplicable. Si esti requisitu nun fore esixible, la capacidá d'obrar ha realizase al traviés de la escritura o documentu de constitución, estatutos o acta fundacional, onde consten les normes poles que se regula la so actividá, inscritos, nel so casu, nel Rexistru Oficial correspondiente. Pa los empresarios individuales y les persones físiques va ser obligatoriu presentar la fotocopia del DNI o documentu que, nel so casu, lu sustituya reglamentariamente.
- b) Documentos qu'acreíten, nel so casu, la representación. Los que comparezan o firmen ufiertes en nome d'otru han presentar Documentu Nacional d'Identidá y poder. Esti poder ha figurar inscitu nel Rexistru Mercantil o, nel so casu, nel Rexistru Oficial correspondiente. Si se trata d'un poder p'actu concretu, nun fai falta la inscripción nel Rexistru Mercantil, d'alcuertu col artículu 94.5 del Reglamentu del Rexistru Mercantil.

- Acreitación de tar al corriente d'obligaciones tributaries y cola Seguridá Social:
- Impuestu sobre Actividaes Económiques: Alta nun epígrafe vinculáu col oxetu de la convocatoria referida al exerciciu corriente, o últimu recibu, xunto a una declaración de que nun se dio de baxa na matrícula del impuestu mentáu, o certificáu de situación al respective d'esti impuestu emitíu pola Axencia Tributaria.
- Certificación positiva acreitativa de tar al corriente de les obligaciones tributaries col Estáu espedida pola Axencia Estatal de l'Alministración Tributaria.
- Certificación positiva del Ente Públicu de Servicios Tributarios del Principáu d'Asturies acreitativa de tar al corriente de les obligaciones tributaries col Principáu d'Asturies.
- Certificación positiva de tar al corriente de les obligaciones cola Seguridá Social espedida pola Tesorería Xeneral de la Seguridá Social.

NOTA ACLARATORIA:

Van tar quitos de presentar l'impuestu d'actividaes económiques aquellos proyectos escoyíos que tean nel supuestu d'exención del impuestu sobre'l valor añedíu que s'establez n'artículu 20. Unu. 26º de la LLEI 37/1992, de 28 d'avientu, del Impuestu sobre'l Valor Añedíu: «Los servicios profesionales, incluyíos aquellos onde la contraprestación consista en derechos d'autor, emprestaos por artistes plásticos, escritores, collaboradores lliterarios, gráficos y fotográficos de periódicos y revistes, compositores musicales, autores d'obres teatrales y d'argumentu, adaptación, guion y diálogos de les obres audiovisuales, traductores y adaptadores».

Les solicitúes que, siendo propuestas pa realizar el so proyectu, nun acreíten dientro del plazu establecíu'l cumplimientu de les obligaciones riquies o nun presenten la documentación en plazu, van poder refugase.

8.- FORMALIZACIÓN DE LOS CONTRATOS.

N'acreditando los requisitos de participación, han formalizase los contratos correspondientes. El plazu pa la formalización d'estos contratos va depender de la fecha de realización de l'actividá, pero tien que formalizase polo menos 7 díes primero de la fecha na que se faiga l'actividá. El trescurso d'esi plazu ensin que llegue a formalizase'l contratu por causes imputables al solicitante va provocar que caduque la solicitú, la perda de los derechos que-y pudieren corresponder y la esclusión del so proyectu del catálogu.

9.- OBLIGACIONES DE LES ENTIDAES SELECCIONAES.

En casu de resultar escoyida la so propuesta, los profesionales comprométense a:

- Desenvolver el proyectu nes feches, hores y términos conveníos.
- Facilitar a la SPXP una guía didáctica del espectáculu pa facer llegar a los centros escolares primero de la celebración del espectáculu.
- Poner a disposición de la SPXP los materiales gráficos y audiovisuales al so algame pa facilitar la promoción y difusión del eventu.
- Difundir al traviés de los sos medios información sobre l'actividá (web, redes sociales, mailing, etc.) y colaborar cola SPXP na atención a los medios de comunicación en casu de que seya menester.
- Aceptar l'usu del nome del profesional, asociación y/o empresa p'acciones promocionales o de comunicación del proyectu.
- Presentar el protocolu y plan de continxencia pa la prevención COVID-19.
- Presentar la documentación que resulte d'aplicación según la llexislación vixente en materia de seguridad llaboral y prevención de riesgos llaborales.

10. - ACEPTACIÓN DE LES BASES

La presentación d'un proyectu a esta convocatoria supón l'aceptación automática y completa d'estes bases.

ANEXU I:

DATOS FISCALES Y CONTACTU	
Datos fiscales y de facturación (Nome fiscal, seños postales y CIF)	
Datos de contactu (nome, teléfonu, corréu electrónicu y redes sociales)	

DATOS DEL PROYECTU	
Denominación del proyectu	
Temática /Disciplina	
Descripción del proyectu	
Autoría	
Llingua	
Espaciu preferente d'exhibición (Sala polivalente cubierta, sala de talleres, xardinos o cai)	
RRHH involucraos nel proyectu (Número y perfiles). <i>Diferenciar ente número d'homes y número de muyeres</i>	
Públicu oxetivu: indicar edaes recomendaes y ciclos y/o cursos escolares a los que s'empobina'l proyectu	
Aforu máximu aconsejáu	
Duración de l'actividá	
Guía didáctica (SI/NON)	
Proyecti adaptable a formatu online (SI/NON)	

DATOS ECONÓMICOS IMPUESTOS NON INCLUYÍOS	
Presupuestu por actividá pa función familiar	€
Presupuestu por actividá pa función familiar + función escolar en día inmediateamente posterior a la función familiar	€

OTROS	
Información adicional / Observaciones	

ANEXU II

DECLARACIÓN RESPONSABLE

D./D^a.con NIF n.º

En nome propiu

En representación de la empresacon NIF

n.ºen calidá de

Al respective de la solicitú de participación na convocatoria pa la selección de propuestas pa la elaboración d'un catálogu d'actividaes didáctiques y lúdiques y la so programación posterior n'equipamientos culturales y deportivos del Principáu d'Asturies, **DECLARA BAXO LA SO RESPONSABILIDÁ** que:

1.- S'alcuentra en situación d'alta nel Impuestu d'Actividaes Económiques (IAE), baxo l'epígrafe _____ correspondiente a _____

2.- Nun ta incursu nes prohibiciones pa contratar previstes n'artículu 71 de la Llei 9/2017, de 8 de payares, de Contratos del Sector Públicu y ta al corriente del cumplimientu de les obligaciones tributaries col Estáu y cola Comunidá Autónoma del Principáu d'Asturies y de les obligaciones cola Seguridá Social, impuestos poles disposiciones vixentes.

3.- Ostenta la titularidá de los derechos d'esplotación del proyectu que presenta a la convocatoria.

Y pa qu'asina conste y surta los sos efectos énte la Sociedá Pública de Xestión y Promoción Turística y Cultural del Principáu d'Asturies, SAU, firma esta solicitú y declaración responsable.

En _____ a ____ de _____ del 2022

Fmao. _____

(firma del solicitante o representante llegal)

INFORMACIÓN BÁSICA SOBRE PROTECCIÓN DE DATOS	
Responsable	SOCIEDÁ PÚBLICA DE XESTIÓN Y PROMOCIÓN TURÍSTICA Y CULTURAL DEL PRINCIPÁU D'ASTURIES, S.A.U.
Finalidá	Participación na programación d'espectáculos familiares y escolares en Llaboral Ciudá de la Cultura dientro del programa VAMOS! 2022-2023.
Llexitimación	Consentimientu del interesáu.
Destinatarios	Los datos van poder ser usaos pol personal adscrito a la SPXP. Nun van cedese datos a terceros (sacante obligación llegal).
Derechos	Acceder, rectificar y suprimir los datos, amás d'otros derechos, tal y como s'esplica na información adicional.
Información adicional	Pue consultar la información adicional y detallada sobre Protección de Datos na nuestra páxina web: https://www.turismoasturias.es/aviso-legal